

**Izbori za Opštinsko vijeće, Vijeća okruga i
Savjetodavno vijeće migrantica i migranata, Graz 2021.**

Objava

- (1) Izbori za Opštinsko vijeće grada Graza održavaju se u nedjelju, 26. septembra 2021. Kao krajnji rok važi 16. jul 2021.

Za Opštinsko vijeće bira se 48 članova.

Na izborima za Opštinsko vijeće aktivno pravo glasa imaju svi muškarci i žene koji su na dan izbora navršili 16 godina života, koji na dan krajnjeg roka posjeduju državljanstvo neke od država Evropske Unije, kojima nije oduzeto biračko pravo i koji na području grada imaju glavno boravište.

U Opštinsko vijeće mogu biti birani svi muškarci i žene koji imaju aktivno pravo glasa i koji su na dan izbora navršili 18 godina života. Građani neke od država Evropske Unije koji nemaju austrijsko državljanstvo mogu biti birani samo u slučaju ako predoče pismenu izjavu, da prema pravu svoje države porijekla, zbog odluke kaznenog suda, nisu izgubili pravo da budu birani.

- (2) Izbori za Vijeća okruga grada Graza održavaju se u nedjelju, 26. septembra 2021. Kao krajnji rok važi 16. jul 2021.

Za I. okrug, Innere Stadt, bira se 7 vijećnika okruga.
Za II. okrug, St. Leonhard, bira se 10 vijećnika okruga.
Za III. okrug, Geidorf, bira se 15 vijećnika okruga.
Za IV. okrug, Lend, bira se 19 vijećnika okruga.
Za V. okrug, Gries, bira se 17 vijećnika okruga.
Za VI. okrug, Jakomini, bira se 19 vijećnika okruga.
Za VII. okrug, Liebenau, bira se 9 vijećnika okruga.
Za VIII. okrug, St. Peter, bira se 10 vijećnika okruga.
Za IX. okrug, Waltendorf, bira se 8 vijećnika okruga.
Za X. okrug, Ries, bira se 7 vijećnika okruga.
Za XI. okrug, Mariatrost, bira se 7 vijećnika okruga.
Za XII. okrug, Andritz, bira se 12 vijećnika okruga.
Za XIII. okrug, Gösting, bira se 7 vijećnika okruga.
Za XIV. okrug, Eggenberg, bira se 12 vijećnika okruga.
Za XV. okrug, Wetzelsdorf, bira se 9 vijećnika okruga.
Za XVI. okrug, Straßgang, bira se 9 vijećnika okruga.
Za XVII. okrug, Puntigam, bira se 7 vijećnika okruga.

Aktivno biračko pravo prilikom izbora vijećnika okruga imaju stanovnici opštine koji imaju biračko pravo za Opštinsko vijeće samo ako u određenom gradskom okrugu imaju glavno boravište te ako su uneseni u birački popis za izbor Opštinskog vijeća.

Za biranje u Vijeće okruga važe isti uslovi kao i za Opštinsko vijeće (vidi stav 1), a osim toga zahtijeva se da glavno boravište bude u tom okrugu ili da se posao obavlja u tom okrugu.

- (3) Izbori za Savjetodavno vijeće migrantica i migranata u Grazu održavaju se u nedjelju, 26. septembra 2021. Kao krajnji rok važi 16. jul 2021.

Za Savjetodavno vijeće migrantica i migranata bira se 9 članova.

Skupine koje se kandiduju za izbore moraju svoje prijedloge za izbor Savjetodavnog vijeća migrantica i migranata predati gradskoj vlasti zaduženoj za izbore najkasnije 37. dan prije dana održavanja izbora do 17 sati. Na izbornom prijedlogu treba zabilježiti dan i vrijeme primitka.

Za izborni prijedlog potreban je potpis najmanje jednog člana Savjetodavnog vijeća migrantica i migranata ili podrška najmanje 10 birača s pravom glasa prema § 100 Pravila za opštinske izbore 2012, LGB1. (informativni bilten). U izjavi podrške treba navesti prezime i ime, datum rođenja i adresu stanovanja birača s pravom glasa. Osobe s pravom glasa moraju svojeručno potpisati izjave podrške i priložiti ih uz izborni prijedlog. Povlačenje pojedinih izjava podrške nakon prispjeća izbornog prijedloga gradskoj vlasti zaduženoj za izbore primiće se na znanje samo ako se gradskoj vlasti dokaže ili učini vjerodostojnim da je osoba koja je podržala izborni prijedlog na davanje potpisa bila potaknuta na temelju bitne zablude ili zlonamjerne prijevare ili prijetnje.

Izborni prijedlog mora sadržavati:

1. karakterističnu slovnu oznaku skupine koja se kandiduje za izbore i eventualnu kratku oznaku koja se sastoji od najviše pet slova koja mogu činiti jednu riječ;
2. listu imena osoba koje se kandiduju za izbore, a to je popis od najviše 18 kandidata, i to u traženom redoslijedu označenom arapskim brojkama, uz navođenje prezimena i imena, godine rođenja, državljanstva, temelja boravka, zanimanja i adrese glavnog boravišta u Grazu za svakog kandidata;
3. oznaku zastupnika koji je ovlašten za primanje poziva (prezime, ime, zanimanje, adresa);
4. potpis ili izjave o podršci potrebne prema stavu 2;
5. pismeni pristanak kandidata za uvrštenje u izborni prijedlog.

Ako u roku ne bude predan niti jedan važeći izborni prijedlog ili ako se svi predani izborni prijedlozi mogu smatrati kao da nisu niti predani, izbori se ne održavaju.

Biračko pravo imaju sve migrantice/migranti koji su na dan izbora navršili 16 godina života, koji na dan krajnjeg roka imaju biračko pravo i koji na području grada Graza imaju glavno boravište te koji ne posjeduju državljanstvo neke od država Evropske Unije.

U Savjetodavno vijeće migrantica i migranata mogu biti birane sve osobe s pravom glasa prema § 100 Pravila za opštinske izbore 2012. (informativni bilten) koje su na dan izbora navršile 18 godina života, koje na dan krajnjeg roka imaju temelj za boravak i koje na području grada imaju glavno boravište najmanje šest mjeseci.

Kod izbora za Savjetodavno vijeće migrantica i migranata moguće je ostvarenje izbornog prava glasanjem putem pisma.

Gradonačelnik:

Mag. Siegfried Nagl